



Ane Hansen
Inatsisartuni ilaasortaq, Inuit Ataqatigiit
/Maani

**Kiffartuussinissamut isumaqatigiissutit pillugit § 37 naapertorlugu
apeqquteqaammut nr. 2017-042-mut akissut**

Brevdato: 03-02-2017

Asasara Ane,

Sags nr.
2017 - 1844
Dok. nr. 16852252

Aallarniutigalugu kiffartuussinissamut isumaqatigiissutit pillugit apeqqutinnut, Inatsisartut suleriaasianni § 37 naapertorlugu nassiussannut qutsavigaakkut.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqu 1.

**Kiffartuussinissamik isumaqatigiissummi angallassisut ilaasunik toqqissisima-
nartumik kiffartuussinissaat piumasaqaataasimava?**

Akissut:

Aap, angallannermi suliaassanut neqerooruteqartitsivigineqartunut sullissinissamut nas-
suaatini, aamma sullissisut angallannermi suliaassanik aaqiinissamut neqeroorutiminni
ilaasunut pitsaasunik atugassaqaartitsinissamik neqerooruteqarnissaat pingaartinneqar-
poq.

Apeqqu 2.

**Kiffartuussinissamik isumaqatigiissut imarisamigut eqquutsinneqangikkaluarpat
atorunnarsitsinnaanermi qanoq piumasaqaateqartoqarpa?**

Akissut:

Aallarniutigalugu erseqqissaatigissavara, kiffartuussinissamut isumaqatigiissutit isuma-
qatigiissutaareersut atorunnaarsinneqarsinnaanngimmata. Tamatumani isumaqatigiissu-
tit illuatungeriinnit atorunnaarsinneqarsinnaanngitsut pineqarput.

Isumaqatigiissutaasuni isumaqatigiissuteqarnermut inatsisinik nalinginnaasunik malinnif-
fiusuni illuatungeriinni illuatungiliuttup isumaqatigiissummik sumiginnaaneranut piuma-
saqaatinik ilaatitsisoqarpoq:

Illuatungeriit arlaata isumaqatigiissut sumiginnarpagu, illuatungiliuttup sumiginnaanngit-
sup illuatungiliuttoq sumiginnaasoq allakkatigut nalunaarfigissavaa, illuatungiliuttoq isu-
maqatigiissummik annertuumik sumiginnaasutut isigineqartoq, aammalu sumiginnaaneq
ullut 30-t qaangiutsinnagit iluarsineqassasoq.

Sumiginnaaneq ullunik 30-inik piffissaliineq qaangiutsinnagu iluarsineqanngippat, illuatu-
ngiliuttoq sumiginnaanngitsoq isumaqatigiissummik erninnaartumik atorunnaarsitsinis-
samik pisinnaatitaaffeqarpoq..

Annertuumik sumiginnaanermut ilaatigut pissutsit makku tunngavigineqarput, taakku-
nunngali killiligaanngillat:

- Sullissisoq akuersissutinik, oqartussaasunit akuersissutinik, sillimasiissutinik il.il. arsaarneqassaaq, annaasaqassaaq imaluunniit nutarteriffiqineqassanngilaq, imaluunniit inatsisunik atuuttunik malinninngippat.
- Sullissisup angallannermi suliassamik isumaginninnermini inatsisit sukkulluunniit atuuttut malinngippagit isumannaallisaanermilu illersorneqarsinnaasumik ingerlatsinngippat.
- Sullissisup isumaqatigiissummi naatsorsuutigineqartutut paasisutissanik tamanik Namminersorlutik Oqartussanut nalunaaruteqanngippat.
- Sullissisoq suliffeqarfittut ingerlassinera ilusilersoqqinneqaqqippat imaluunniit akiliisinnaajunnaartutut nalunaarutigineqarpat.
- Namminersorlutik Oqartussat tunngavissaqanngitsumik akiliinngitsoorpata.

Tamatuma saniatigut illuatungiliuttoq kalaallit/danskit inatsisaanni maleruagassat naliginnaasut malillugit sumiginnaasoqarnerani pisinnaatitaaffeqarpoq.

Apeqqu 3.

Utoqqaat pitsorluttut innarluutillit Napparsimasullu toqqissisimanartumik angallanneqarsinnaaneranik qulakkeerisumik kiffartuussinissamik isumaqatigiissut ilaqarpa?

Akissut:

Aallarniutigalugu ilisimatitsissutigisinnaavara, angallassinert sapinngisamik angalasut tamarmik – taakkunungalugu utoqqaat innarluutillillu ilanngullugit – angalasinnaanngorlugit ilusilerneqarnissaat Naalakkersuisut pingaartittorujussuummassuk.

Isumaqatigiissutaasuni angalariaatsit ilaasartullu, maannamut kiffartuussinissamut isumaqatigiissuteqarfiusarsimasunik atuisuusut, taakkunungalugu utoqqaat innarluutillillu ilanngullugit aallaavineqarput.

Sullissisut tamatumunnga atatillugu aamma sullissinermikk ilusiliinermi utoqqaat innarluutillillu eqqarsaatigisartussaavaat. Ilaatigut pissutsit tamakku pillugit sullissisut Naalakkersuisunit ingerlaavartumik oqaloqatigineqarput, aammalu sullissisut sullissinermikk pitsaanerpaamik ilusiliinissaat, taamaalillunilu inuit pineqartut toqqissisimanartunik torersunillu atugassaqartinneqarlutik angalasinnaanissaat Naalakkersuisunit tatigineqarpoq.

Tassalu Kalaallit Nunaata kujataani angallasseriaatsini marluinni pilersinneqaqqammerisuni ilaasut illoqarfiit akornanni angalanermi namminneerlutik qulimiguullip umiarsuaqqalluunniit akornanni toqqaasinnaalernerat Naalakkersuisut naammagisimaarpaat, tassanilu ilaasusaaq assersuutigalugu peqqissutsiminut tunngasut peqqutigalugit kissaatiguniuk qulimiguullimmut ilaanissaq sulii periarfissaqarfigaa.

Matuma siuliani taaneqartoq oqaatigereerlugu, aamma erseqqissassallugu pingaaruteqarpoq, Aningaasanut Inatsimmi kontomi pingaarnermi 72.20.05 Ilaasunik angallassinermut tapiissutit, aningaasaliinermut suna siunertaanersoq aalajangersarneqarmat. Tassalu Naalakkersuisut isumaqatigiissusiornermi aaqqiissutissatut toqqarneqartuni Aningaasanut Inatsimmi tunngaviusup tamakkiisumik malinneqarnissaa siunnerfigisimaavaat. Inatsisartut Aningaasaqarnermut Akileraartarnermullu Ataatsimiititaliaata allakka-

mini, 1. august 2017-imeersumi Naalackersuisunut uppersarpaa, tunngavissat taaku isumaqatigiissusiani aaqqiissutissanillu naamassineqarsimasut.

Tassalu kiffartuussinissamut isumaqatigiissutinut tapiissutit sumunngarfinnut tunngavissat pingasuusut uku malillugit tapiissutigineqartarput:

- assartuussinissamut periarfissaqarfiusussaangikkaluartunut.
- akit pequtaallutik amerlasuut angalanissamut tunuarsimaarnerinik kinguneqartitsisussaagaluartunut.
- akulikissutsinik akuersaarneqarsinnaangitsumik appasititsiviusussaagaluartunut.

Matuma siuliani allaaserineqartutut sapinngisamik amerlasuut akikitsumik toqqissisimantumillu angalasinnaannissaat Naalackersuisut pingaartittorujussuaat. Tamannalu aamma soorunami innarluutilinnut utoqqarnullu atuuppoq.

Apeqqu 4.

Naalackersuisut qanoq qulakkeerinninniarpat Disko Linemut isumaqatigiissuteqarnermi sumiiffinni tamani isumannaatsunik talittarfeqartarnissaa?

Akissut:

Umiarsualivinni isumannaallisaanermut pissutsit kiffartuussinissamut isumaqatigiissutinut ilaangillat, kisiannili qitiusumik umiarsualivinnut oqartussaasunit akisussaaffigineqarput. Isumannaallisaaneq Naalackersuisut pingaartittorujussuaat, tamatumunngalu atatillugu ilisimatitsissutigissavara, ilaatigut nunatsinni sumiiffinni assigiinngitsuni umiarsualivinni talittarfinilu allagartalersuinikkut assersuinikkulluunniit utaqqisarnermi pissutsit isumannaannerulersinneqarnissaat anguneqarsinnaanersoq Naalackersuisut misissuiffiginialeruttormagit.

Apeqqu 5.

Silarlutsillugu imaatigut navianartumik angallassineq ingerlanneqartoq internetikkut takuneqarsinnaammat, pissutsillu akueriuminaatsut naalackersuisup susasaqartut akuerisinnaavai?

Akissut:

Kalaallit Nunaata kujataani angallasseriaatsinik marluinnik atulersitsinikkut, sila qulimiguulimmik angallassinissamut naleqqutsinnagu ilaasussat akeqanngitsumik umiarsuaqqanut nuunneqarsinnaannissaat Naalackersuisunit qulakkeerneqarpoq. Taamatutaaq ullormi angalaffiusussami sila imaatigut angallassinissamut naleqqutsinnagu, qulimiguulip aallarfissaanut tullermut nuussisoqarsinnaavoq. Tamatumuunakkut siornatigut isumaqatigiissutaasarsimasunut, taamaallaat qulimiguulimmik angallanneqarnissamik periarfissaqarfiusunut naleqqiullugu ilaasussat silarlutsillugu angalasinnaanermut periarfissaat amerlanerusut qulakkeerneqareerput.

Silarlutsilluguli qulimiguulimmi timmisartumi aquttup imaluunniit angallammi naalakkap timmisartornissaq imaatigulluunniit angalanissaq isumannaannersoq aalajangertarjaa.

Apeqqu 6.

Inuiaqatigiit kiffartuussinermik isumaqatigiissut tunuardeqqusaat Angallanermut Naalackersuisup attatiinnarnissaa siunertariguniuk tunngavilersuutai pingarnerit suuppat?

Akissut:

Kiffartuussinissamut isumaqatigiissutit nutaat qaammammi ataatsimi atuutereerput, aammalu januaarip qaammataata annersaani sila pequtigalugu taamaatitsinerit amer-

lasimapput. Aaqqissuussinerni nutaani aamma attaveqatigiinneq aallarnisarnermi ajornartorsiutinit eqqugaasarsimavoq, kisiannili tamanna pitsanngorsarniarlugu suliamut akuusut tamarmik sulipput. Naalakkersuisut sullissisuninggaaniit attaveqatigiinnerup pitsaanerulernissaa qulakkeerusuppaat, taamaasillutik angalasut angalanerminni toqqissisimanissaat anguniarlugu.

Disko Line ilaatigut tusagassiorfinnut nalunaaruteqarpoq, kiffartuussinermi paasissutis-siisarnerit annertusineqartut.

Aallarniutigalugu erseqqissaatigissavara isumaqatigiissutaareersut pituttorsimammata aammalu atorunnaarsinneqarsinnaanngimmata. Tassalu aatsaat illuatungiliuttoq isumaqatigiissummik annertuumik sumiginnaappat isumaqatigiissutit atorunnaarsinneqarsinnaapput.

Oqaatigisariaqarporli isumaqatigiissutit nutaat qaammammi ataatsimi taamaallaat atuutereermata, aammalu januaarip qaammataata annersaani sila peqqutigalugu taamaatitsinerit amerlasimammata. Aaqqissuussinerni nutaani aamma attaveqatigiinneq aallarnisarnermi ajornartorsiutaasimavoq, kisiannili tamanna pitsanngorsarniarlugu suliamut akuusut tamarmik sulipput.

Disko Line ilaatigut tusagassiorfinnut nalunaaruteqarpoq, kiffartuussinermi paasissutis-siisarnermi isumalluutit annertusineqartut ilisimatitsissutigalugu.

Apeqqu 7.

Disko Linep kiffartuussineq nutaaq 1. januar 2017-imiit ingerlanneqalersoq, sillimaniarneq eqqarsaatigalugu Naalakkersuisuniit qanoq piumasaqaateqartoqarpa?

Akissut:

Sullissisut tamarmik ilaasunik angallassinerep isumannaatsuunissaanut maleruagassanik atuuttunik malinnittussaapput. Tassalu sullissisut – taakkununga Disko Line ilanngullugu – inatsisit atuuttut malinneqarnissaat, aammalu akuersissutit, suliassa qarfirmi oqartussaasunit attuumassuteqartut aalajangersarsimasaasa tamarmik atuutinneqarnissaat qulakkeertussaavaat.

Apeqqu 8.

Naalakkersuisuniit ilisimaneqarnerpa, Disko Linep sulisut ilinniarsimasut qassit sulisorineqarnersut aammalu sunik ilinniagaqarsimanersut? Piumasaqaatit malinneqarpat?

Akissut:

Disko Line-mi sulisut ilinniartitaanikkut piumasaqaatinik naammassinnissimanissaat, aammalu Umiarsuarnik Isumannaatsumik Ingerlatsinissamut aalajangersakkat naapertorlugit uppersaatiniq eqqortunik peqarnissaat Naalakkersuisunit naatsorsuutigineqarpoq. Inuttanik nakkutilliinerit Imarsiornermut Aqutsisoqarfiup piffissani aalajangersimasuni misissuisarnerminut atatillugu suliarisarpai. Umiarsuarnik ilaasartaatinik qaam

matit 12-ikkaarlugit, aammalu angallatinik 12-inik ikinnerusunillu ilaasoqarsinnaasunik qaammatit 24-kkaarlugit misissuisoqartarpoq.

Inussiarnersumik inuulluaqqusillunga

Múte B. Egede